

Morning Dogri (NSD) National News Bulletin 19-05-2024

आकाशवाणी

1. कल होने आले लोकसभा चुनावों के 5में गेड़ के मतदान लेई सब्बे प्रबंध करी लैते गेदे न। चुनावों आयोग नै मतदान गी बवस्था आले ढंगै सिर करोआने लेई सब्बे तैआरियां मुकम्मल करी लैती दियां न।
2. लोकसभा चुनावों के बाकी के गेड़ें लेई प्रचार तेज होई गोआ ऐ। प्रधानमंत्री ते बीजेपी के वरिष्ठ नेता नरेन्द्र मोदी होर अज्ज झारखंड ते पच्छिम बंगाल च चुनावी रैलियां करगंन।
3. दिल्ली दी इक अदालतै आम आदमी पार्टी दी राज्यसभा सांसद स्वाती मालीवाल कन्ने मार-कुटाई आले मामले च आरोपी विभव कुमार गी 5 दिनें दी पुलस हिरासत च भेजी दित्ता ऐ। अगली सुनवाई 23 मई गी होग।
4. भारती मौसम विभाग नै देशों के दक्खनी हिस्सें च अगले त्रऊं दिनें दरान बड़ी भारी बरखा दी पेशगोई कीती ऐ।
5. आईपीएल क्रिकेट च कल चिन्नेई सुपर किंग्स गी 27 रंजें कन्नै हराने के बाद रॉयल चैलेंजर्स बेंगलुरु प्ले ऑफ च दाखल होई गोआ ऐ।

<><><><><><>

5th Phase Polling

लोकसभा चुनावों के 5में गेड़ लेई चुनावों प्रचार कल खत्म होई गोआ। इस गेड़ तैह्त लोकसभा दी 49 सीटें पर कल वोट पाए जाडन जिंदे च बारामूला पार्लिमानी हलका की शामिल ऐ। इस गेड़ च बिहार दी 5 सीटें, झारखंड दी 3 सीटें, महाराष्ट्र दी 13, ओडीशा दिआं 5 सीटां, उत्तर प्रदेश दिआं 14 सीटें, पच्छिम बंगाल दी 7 ते केन्द्र शासत प्रदेश जम्मू-कश्मीर ते लद्दाख दी इक-इक सीट लेई मतदान होना ऐ। चुनावों आयोग नै चुनावों गी रमानदारी कन्नै करोआने लेई लोडचदे सारे बंदोबस्त कीते के न। तोआई 5में गेड़ तैह्त जम्मू-कश्मीर दी बारामूला-कुपवाड़ा संसदी सीट लेई कल मतदान होना ऐ। 17 लक्ख थमां बद्ध मतदाता 22 मेदवारें के सियासी भागें के फैसला कल करडन। लोकसभा चुनावों के 6में गेड़ तैह्त 6 राज्यें

ते 2 केन्द्र शासत प्रदेशें च वोट पाए जाने न। इस गेड़ च 8 सौ नानुए मेदवार चुनां मैदान च न। जम्मू-कश्मीर दे अनंतनाग-राजौरी पार्लिमानी हलके लेई 20 मेदवार चुनां मैदान च न। चुनां आयोग नै इक बयानै च आखेआ ऐ जे इस गेड़ तैहत् 58 हलकें च मतदान होना ऐ ते कुल इक हजार 9 सौ 78 नामांकन भरे गे हे। इस गेड़ तैहत् नामांकन भरने दी खीरी तरीक 6 मई ही। 6में गेड़ तैहत् 58 संसदी हलकें च मतदान होना ऐ। उत्तर प्रदेश च 14 पार्लिमानी हलकें लेई सब्बनें थमां मते 470 नामांकन भरे गे।

<><><><><><><>

PM Campaign

लोकसभा चुनाएं दे बाकी पेदे गेड़ें लेई चुनां प्रचार पूरे जोरें-शोरें कन्नै जारी ऐ। बक्ख-बक्ख सियासी पार्टिं दे लीडर वोटरें गी अपनी बक्खी खिच्चने आस्तै पूरा दम खम ला करदेन।

<><><><><><><>

PM

प्रधानमंत्री ते बीजेपी दे वरिष्ठ नेता नरेन्द्र मोदी अज्ज पच्छम बंगाल ते झारखंड च चुनावी सभाएं गी संबोधत करगंन। श्री मोदी होर पच्छम बंगाल च त्रै जनसभाएं गी संबोधत करगंन। ओह पुरुलिया च पार्टी मेदवार दे हक्कै च दपैहरी साढ़े 12 बजे प्रचार करगंन। मगरा श्री मोदी बांकुटा जिले दे विष्णुपुर ते मेदिनीपुर दे खड़गपुर च बी रैलियां करगंन। प्रधानमंत्री होर झारखंड दे जमशेदपुर च चुनावी सभा गी संबोधत करगंन। इस सीट पर मुख मकाबला बीजेपी दे विद्युत वरणे माहतो ते झारखंड मुक्ति मोर्चा दे समर्थन आले इंडी गठबंधन दे मेदवार समीर मोहंती हुंदे बश्कार ऐ जेह्ड़े बहरागोडा दे मजूदा विधायक न। श्री माहतो जमशेदपुर संसदीय सीट थमां मजूदा सांसद न ते ओह त्री बारी चुनावी मैदान च न। 5में गेड़ च चतरा, कोडरमा ते हजारीबाग दी लोकसभा सीट ते गाडी विधानसभा सीट दे उपचुनां लेई प्रचार कज संजा खत्म होई गेआ। इनें सीटें पर कल 54 मेदवार मैदान च न।

<><><><><><><>

Rahul Rally

कांग्रेस दे वरिष्ठ नेता राहुल गांधी होरें अज्ज आखेआ ऐ जे इंडी गठबंधन दा पैहला लक्ष्य संविधान गी बचाना ऐ। अज्ज नमीं दिल्ली दे रामलीला मैदान च इक रैली गी संबोधत करदे होई उनें आरोप लाया जे सत्ताधारी पार्टी संविधान गी कमजोर करना चाहंदी ऐ। उनें आखेआ जे नरेन्द्र मोदी सरकार नै लौहके कारोबारिएं आस्तै किश नेई कीता ते उद्योगपतिएं आस्तै 16 लख करोड़ रपे देइ दित्ते। उनें बेरोजगारी ते चुनावी बांड दे मुद्दे गी लेइयै बीजेपी पर जवानी हमला कीता।

<><><><><><>

Swati Maliwal

दिल्ली दी इक जिला अदालतै आम आदमी पार्टी दी राज्यसभा सांसद स्वाती मालीवाल कन्नै मार-कुटाई आले मामले च गिरफ्तार होने दे बाद मुख्मन्त्री अरविंद केजरीवाल हुंदे नेडमे सैहयोगी विभव कुमार गी 5 दिनें दी पुलस हिरासत च भेजी दित्ता ऐ। विभव कुमार गी शनिवार चिरे रातीं तीस हजारी कोर्ट च पेश कीता गेआ। मैट्रोपोलिटन मैजिस्ट्रेट गौरव गोयल होरें कुमार गी पुच्छ-गिच्छ लेई 5एं दिनें दी पुलस हिरासत च भेजी दित्ता। विभव कुमार दी हिरासत दी अवधि खत्म होने दे बाद इस म्हीने दी 23 तरीक गी उसी अदालतै च पेश कीता जाग। एह्दे शा पैहले मालीवाल होरें इस म्हीने दी 12 तरीक गी केजरीवाल हुंदे आवास पर उत्पीड़न ते मार-कुटाई दा आरोप लांदे होई विभव कुमार दे खलाफ शकैत दर्ज करोआई ही। कुमार नै बी मालीवाल हुंदे खलाफ इक जवाबी शकैत दर्ज कीती जेह्दे च आरोप लाया गेआ जे घटना आले दिन ओह गैर कनूनी तरीके कन्नै मुख्मन्त्री हुंदे आवास च दाखल होई ही।

<><><><><><>

Weather

मौसम विभाग नै देसै दे दक्खनी हिस्से च अगले त्रऊं दिने तगर तेज बरखा दी पेशगोई कीती ऐ। दक्खन प्रायद्वीप इलाके च अगले 5 दिनें तगर तेज बरखा जारी रौहने दी संभावना ऐ। इस म्हीने दी 21 तरीक तककर तमिलनाडू ते केरल च बक्ख-बक्ख थाहरें पर तेज बरखा बरी सकदी ऐ। अगले 24एं घैंटे दरान मानसून दे दक्खन अंडेमान सागर, दक्वान पूर्व बंगाल दी खाड़ी दे किश हिस्सें ते निकोबार द्वीप समूह बक्खी बघने दे सार न। अगले चऊं दिनें तककर उत्तर पच्छिम हिस्से दे मैदानी इलाके च ते अगले दऊं दिनें तककर पूर्व ते मध्य भारत

च सख्त गर्मी बनी दी रौहग। उत्तर प्रदेश, उत्तराखंड, गुजरात ते मध्यप्रदेश च नेकें थाहरें पर अगले 3 दिनें सख्त गर्मी जारी रेई सकदी ऐ। कल राजस्थान दे मते सारे हिस्सें हरियाणा, चंडीगढ़, दिल्ली, पंजाब, उत्तर प्रदेश, बिहार ते गुजरात दे बक्ख-बक्ख हिस्सें च गम्भी बनी दी रेई। अगले 5 दिनें तक्कर मध्य भारत दे नेकें हिस्सें च बद्धोबद्ध तापमान 2 शा 4 डिग्री सैलिसयस दे बाद्धे दी संभावना ऐ।



IPL

आईपीएल क्रिकेट च रॉयल चैलेंजर्स बेंगलुरु एम.चिन्नास्वामी स्टेडियम च करो जां मरो आले मकाबले च चिन्नेई सुपर किंग्स गी 27 रंजें कन्नै हराइयै प्ले ऑफ च दाखल होई गई ऐ। पैहले बल्लेबाजी करदे होई रॉयल चैलेंजर्स बेंगलुरु नै 5 विकेटां मोआइयै 218 रंज बनाए। प्ले ऑफ दी द्रौड़ च बने रौहने आस्तै चिन्नेई सुपर किंग्स गी 201 थमां पैहले रोकना हा। रॉयल चैलेंजर्स बेंगलुरु ताई फाफ डुप्लेसिस नै 39 गेंदें च 54 रंज बनाए जिल्लै के विराट कोहली नै 29 गेंदें च 47 रंज बनाए। परते च चिन्नेई सुपर किंग्स दे रचिन रविन्द्र नै 37 गेंदें च 61 रंजें दी मदाद कन्नै तैह 20 ओवरें च 7 विकेटें दे नुकसान पर 191 रंज गै बनाई सकी। इस जित्त दे कन्नै गै रॉयल चैलेंजर्स बेंगलुरु, कोलकाता नाईट राईडर्स, राजस्थान ते सनराईजर्स हैदराबाद कन्नै प्ले ऑफ च शामिल होई गई ऐ ते चिन्नेई सुपर किंग्स इस द्रौड़ थमां बाहर होई गई।

